

An dextera potior pars hominis? §. 43. Error hic varius, diversusque, ex mala *dextrae* explicatione fluxisse videtur, quam hi, etiam cum scripturas exponunt, tamen ex scripturis non explicant, sed juxta, præconceptam animo, quandam opinionem. Sic enim Thomas in Coloss. III, i. intelligenda est dextera non pars aliqua corporalis, sed similitudinaria. Dextera enim est POTIOR PARS hominis. Christus ergo sedet ad dexteram, quia secundum quod homo potioribus bonis Patris est: sed secundum quod Deus in æqualitate ejus est. At i. quam divisionem hominis in partes instituis, ut dexteram habeas potiorem partem hominis? 2. quis hominum, dexteram audiens, concipit hominis potiorem partem? 3. Dexteram ut partem hominis, cum audiunt, concipiuntque homines, manum ex duabus eam intelligunt, quæ robur habet præ altera, manum validam, robustamque. 4. In similitudine igitur illa, attendi debebat robur, & potentia, & virtus. Nam & 5. hanc docent scripturarum dicta plurima. Sed 6. valeat illa explicatio, hæc cete evincet, Christum, tantum secundum quod homo est, sedere ad dexteram Patris. Quia, tantum secundum quod homo est, in potioribus bonis Patris est. Hinc 7. ipse Thomas, quasi præcavens, addere coactus est: SED, secundum quod Deus, est in æqualitate patris. Ergo secundum quod Deus est, ad dexteram non sedet, quia in potioribus bonis non est. Eadem Thomæ in Hebr. VIII. cum de Christo ut Deo, ad dextram sedente, quid dixisset, vis veritatis hæc expressit verba. VEL secundum quod homo, & hoc magis PROPRIE AD INTENTIONEM Apostoli &c.

Cajetanus. §. 44. Ita Cajetanus in Ephes. i. summa bona Dei dextra metaphorice appellantur. Significatur enim, quod Christus homo quiete re-Sedere, an gnat in summis bonis Dei. Repetit, Coloss. III, i. & in Hebr. i. Tacet quiescere? Cajetanus de æqualitate, quia Christum, ut hominem, sedere videt; inde, summorum tantum bonorum DEI, meminit in explicatione. Ille vero, etiam QUIETIS in sessione Christi conceptus, alienus est. Certe, sedens in dextra Dei Patris, Christus, dominatur in medio inimicorum. Scriptura, voce sessionis, regiam majestatem indicat, & exprimit.